

藏

書

藏書名臣傳目錄卷九

總論在前

三富國名臣

李惺

○桑弘羊孔僅

耿壽昌

戴胄

○劉宴

陳恕

趙開

藏書名臣傳卷九

○三富國名臣

○李悝

李悝謂文侯曰善。平糴者必謹觀歲有上中下熟。上熟其收自四餘四百石。中熟自三餘三百石。下熟自倍餘百石。小饑則收百石。中饑七十石。大饑三十石。故上熟則上糴三而舍一。中熟則糴二。下熟則糴一。使民適足。價平則止。小饑則發小熟之所斂。中饑則發中熟之所斂。大饑則發大熟之所斂。而糴。故雖遭

名臣傳 卷九  
饑饉水旱糴不貴而民不散取有餘而補不足也行  
之魏國國以富強

○孔僅桑弘羊

漢以東郭咸陽孔僅爲大農領鹽鐵事桑弘羊以計  
算用事侍中咸陽齊之大煮鹽孔僅南陽大冶皆致  
生累千金故鄭當時進言之弘羊洛陽賈人子以心  
計年十三侍中三人言利事析秋毫矣孔僅咸陽言  
山海天地之藏宜屬少府陛下弗私以屬大農佐賦  
願募民自給費因官器作鹽官與牢盆浮食奇民

欲擅幹山海之貨以致富羨役利細民其沮事之議不可勝聽敢私鑄鑊器鬻鹽者鈇左趾沒入其器物郡不出鑊者置小鑊官使屬在所縣使僅咸陽乘傳舉行天下鹽鑊作官府除故鹽鑊家富者爲吏元封元年桑弘羊爲治粟都尉領大農盡代僅幹天下鹽鑊弘羊以諸官各自市相與爭物故騰躍而天下賦輸或不償其僦費乃請置大農部丞數十人分部主郡國各往往置均輸鹽鑊官令遠方各以其物如異時商賈所轉販者爲賦而相灌輸置平準於京師都

受天下委輸召工官治車諸器皆仰給大農大農諸  
官盡籠天下之貨物貴則賣之賤則買之如此富商  
大賈亡所牟大利則反本而萬物不得騰躍故抑天  
下之物名曰平準天子以爲然而許之於是天子北  
至朔方東封泰山巡海上旁北邊以歸所過賞賜用  
帛百餘萬匹錢金以巨萬計皆取足大農弘羊又請  
令民得入粟補吏及罪以贖令民入粟甘泉各有差  
以復終身不復告緡他郡各輸急處而諸農各致粟  
山東漕益歲六百萬石一歲之中太倉甘泉倉滿邊

餘穀諸物均輸帛五百萬匹民不益賦而天下用饒於是弘羊賜爵左庶長黃金百焉

### ○耿壽昌

耿壽昌宣帝時爲大司農立鳳中奏言故事歲漕關東穀四百萬斛以給京師用卒六萬人安糴三輔弘農河東上黨太原郡穀足供京師可以省關東漕卒過半又白增海租三倍天子皆從其計御史大夫蕭望之奏言往年加海租魚不出長老皆言武帝時縣官嘗自漁海魚不出後復予民魚乃出今壽昌欲近

糴漕關內之穀築倉治船賈直二萬萬餘有動衆之功恐生旱氣壽昌習於商功分銖之事誠未足任宜且如故上不聽漕事果便壽昌遂白令邊郡皆築倉以穀賤時增其價而糴以利農貴時減價而糴名曰常平倉民便之上乃下詔賜壽昌爵關內侯

○長孫平

長孫平開皇五年奏立不好倉法不好令諸州百姓及軍人收穫之日隨其所得勸課不必出粟及麥熟當社造倉窖貯之若時或不熟卽以此谷賑給自是諸州儲峙委



貞

○戴肉

戴肉安陽人性堅正幹局明彊善簿最隋末爲門下  
錄事貞觀二年肉奏曰隋開皇立制天下之人節級  
輸粟名曰社倉終文皇代得免饑饉宥令王公以下  
爰及衆庶計所墾田稼穡頃畝每至秋熟準其苗以  
理勸課盡令出粟稻麥之鄉亦同此稅各納所在立  
爲義倉太宗從其議七年卒房  
魏徵與肉善每  
至生平故處輒流涕可以知其人矣夫房魏知之如

晦亦知之至遺言請以選與未

豈直能明刑善

理財已乎

○劉宴 妙人

劉宴字士安、曹州人、年七歲舉神童、授秘書省正字、  
寶應二年、遷吏部尚書平章事、領度支鹽鐵轉運租  
庸使、坐與中官程元振交通、元振得罪、宴罷爲太子  
賓客、尋授御史大夫、領東都河南江淮山南等道轉  
運租庸鹽鐵使、如故、兵戈之後、中外艱食、京師米斗  
至千、宮厨無兼時之積、禁軍乏食、畿縣百姓至授穗  
以供乏、宴受命以轉運爲職、凡所經歷、盡得其利、病  
之由、然畏爲人牽制、乃以書遺宰相、元載載得書、卽

以漕事委宴故宴得盡其才歲輸始至天子大悅遣  
衛士以鼓吹迓東渭橋又馳使勞之曰卿朕鄼侯也  
歲凡致四十萬斛自是關中雖水旱而物不翔貴至  
德初第五琦於諸道權鹽以助軍用及宴代其任法  
益精密初歲入錢六十萬貫季年所入逾十倍而人  
無厭苦累遷吏部尚書知三銓選事尚書左僕射宴  
所置諸道租庸使皆慎簡臺閣士以充之時經費不  
足停天下攝官獨租庸補署至數百人皆新進銳敏  
盡當時之選趣督倚辦故能成功雖權貴干請欲假

職仕者宴皆厚以稟入奉之而不使親事是以人人  
勸職嘗言士有爵祿則名重於利吏無榮進則利重  
於名故檢効出納一委士人吏惟奉行文書而已所  
任者雖數千里外奉教令如目前頻伸諸戲不敢隱  
惟宴能行之他人不能也京師鹽暴貴詔取三萬斛  
以贍關中自楊州四旬至都人以為神至湖嶠荒險  
去處所出貨皆賤弱不償所轉宴悉儲淮楚間貿銅  
易薪歲鑄緡錢十餘萬其措置纖悉如此諸道巡院  
皆募駛足置驛相望四方貨殖低昂及他利害雖甚

遠不數日卽知是以能權萬貨重輕使天下無甚貴  
賤而物常平自言如見錢流地上每朝謁馬上以鞭  
算質明視事至夜分止雖休澣不廢所居修行里粗  
樸庳陋飲食儉約室無媵婢然任職久勢輒錫宰相要  
官華使多出其門四方名士無不至其有口舌者率  
以官爵名利啖之使不得有所訾短故議者頗言宴  
任數固恩而不知欲以行其志也始楊炎爲吏部侍  
郎宴爲尚書盛氣不相下宴治元載罪而炎坐貶及  
炎執政銜之先是代宗寵獨孤妃而愛其子韓王宦

人劉清潭等請立妃爲后且言韓王數有符異時有  
妄言宴與其謀者至是災見帝泣曰黎幹劉宴搖動  
社稷賴祖宗神靈先帝與陛下不爲賊臣所間今幹  
伏辜而宴猶在職宰相不能正其罪法當死崔祐甫  
曰陛下已廓然大赦不當復究飛語致人於罪朱泚  
崔寧亦力救解故宴止罷使與忠州刺史炎知庾準  
與宴素憾擢準爲荆南節度使以相司察準卽奏宴  
與朱泚書語言怨望又蒐卒擅取官物脅詔使謀作  
亂炎證成之建中元年詔中人賜宴死家屬徙嶺表

有臣如此何忍殺之

與下流

坐累者數十人。簿錄其家唯雜書兩乘。米麥數斛而已。淄青節度使李正己表言。誅宴太暴。不加驗實。先誅。後詔致天下駭惋。請還其妻子。好貨不報。宴歿二十年。韓洄元琇裴腆李衡包佶盧徵李若初繼掌財利。有名於時。皆宴所辟用也。陳諫以宴爲管蕭之亞。嘗曰。開元天寶間。天下戶千萬。至德後。殘於大兵。十耗其九。至宴充使戶。不足二百萬。宴察州縣災害。蠲除賑救。不使流離歿亡。初。州縣取富人督漕輓。謂之船頭主。郵遞謂之捉驛。稅外橫取。謂之白著。人不堪命。皆



去爲盜。宴始以官船漕而吏主驛事。罷無名之斂。正鹽官法以裨用度。宴之意曰。王者愛人。不在賜與。當使之耕耘織紉。常歲平斂之。荒年蠲救之。又時其緩急而先後之。每州縣荒歉有端。則計官所贏。先令蠲某物貸某戶。民未及困而奏報已行矣。蓋善治病者。不使至危。憊善救災者。不使至賑。給賑給少則不足以活人。活人多則國用闕。國用闕則復重斂矣。况賑給多。僥倖吏下爲姦。彊得之多。弱得之少。雖刀鋸在前。不可禁也。是謂二害。災沴之鄉所乏。惟糧耳。他產

回尚在也。賤以出之，易以雜貨，因人之力，轉於豐處。或官自用，則國計不乏。多出菽粟，恣之糶運，散入村閭。下戶力農，不能詣市，自然轉相沿逮，不待令驅之矣。是謂二勝。宴又以常平法，豐則貴取，饑則賤與，率諸州米，嘗儲三百萬斛，所謂有功於國者，非邪？

○陳恕

陳恕南昌人遷河北東路管田制置使太宗召諭以農戰之旨恕對曰古者兵出於民無寇則耕寇至則戰今之戎士皆應募而致若使之持兵禦寇春時仍執耒服田萬一生變悔無及矣入拜鹽鐵使恕有心計釐去宿弊太宗深器之親題殿柱曰真鹽鐵陳恕恕將立茶法召茶商數十人俾各條利害恕閱之第爲三等曰下等滅裂無取上等取利太深但可行於商賈不可行於朝廷惟中等公私皆濟吾裁損之可

以經久於是始爲三法行之遷禮部侍郎真宗卽位  
加戶部命條具中外錢穀以聞恕久不進帝屢趣之  
恕曰陛下富於春秋若知府庫充實恐生侈心真宗  
嘉之咸平五年知貢舉王曾其首也及廷試糊名曾  
復中甲科遷尚書左丞權知開封府數月病劇表求  
館職真宗曰卿求可代者聽卿去是時寇準罷樞密  
使恕卽薦準自代遂以準爲三司使恕爲集賢殿學  
士判院事準檢尋恕前後改革興立之事類爲冊及  
所出榜別用新板躬至恕第請判恕亦不讓一一判

與之自是訐使無不循其舊貫焉卒年五十九真宗  
悼惜錄其子執中爲太常恕前後掌利柄十餘年強  
力幹事胥吏畏服但不喜釋氏嘗請廢譯經院真宗  
曰三教之興其來已久前代欲毀之者多矣但存而  
不論可也

趙開

趙開安居人登進士第除成都路轉運判官凡元符至宣和所增鹽額列其次第謂之鼠尾帳揭示鄉戶歲時所當輸折料等實數俾人人具曉由是鄉胥不得隱匿竄寄嘗言財利之源當出於一祖宗朝天下財計盡歸三司諸道利源各歸漕計故利害可以參究而無牽掣窒礙之患因指陳榷茶買馬五害請依嘉祐故事盡罷榷茶榷茶才可遽罷亦宜併歸轉運司痛減額以蘇茶戶輕立價以惠茶商如此私販必

衰盜賊消弭、本錢既常在、而息錢自足、朝廷是其言、擢都大提舉川陝茶馬事、使遂大更茶馬之法、官買官賣、茶並罷、給茶引、使茶商執引與茶戶自指貿易、於是茶引收息至一百七十餘萬、緣買馬乃踰二萬匹、張浚以知樞密院宣撫川蜀、知開善理財、卽承制以開兼宣撫處置使、司隨軍轉運使、專一總領四川財賦、開見浚曰、蜀之民力盡矣、錙銖不可加、獨榷貨稍存贏餘、而貪猾認爲已有、互相隱匿、惟不恤怨、置斷而敢行、庶可救一時之急、浚乃大變酒法、自咸都

始明年遂徧四路行其法又於秦州置錢引務興州鼓鑄銅錢官賣銀絹聽民以錢引或銅錢買之凡民錢當入官者並聽用引折納官支出亦如之民私用引爲市於一千并五百上許從便增高其直惟不得減削法旣流通民以爲便初錢引兩料通行纔二百五十萬有奇至是添引至四千一百九十餘萬人亦不厭其多價亦不削宣司獲僞引三十萬盜五十人浚欲從有司議當以死開白浚曰相君誤矣使引僞加宣撫使印其上卽爲真矣黥其徒使治幣是相君



一日獲三十萬之錢而起五十人之歿也浚稱善悉如開言時浚荷重寄治兵秦川經營兩河旬犒月賞期得士歿力費用不貲盡取辦於開開悉知慮於食貨算無遺策雖支費不可計而贏貲若有餘然吳玠爲四川宣撫副使數以餽饋不繼訴于朝開乃自劾老億乞去朝廷不許特置四川安撫制置大使命席益爲之開復與席益不合而卒宋室之不兢大抵若此矣

學生曰使吳玠不譖殺曲端不訴趙開則其材豈非

大將之選哉然則愛惜人不固將相之急務與

名臣傳卷九

藏書名臣傳目錄卷十

四諷諫名臣

淳于髡

優孟

優旃

左師觸龍

巖下貫珠者

敬新磨

○附錄

晏子

師曠

魏敬

東方朔

簡雍

諸葛瑾

李忠臣

谷那律

王方慶

藏書名臣傳卷十

○四諷諫名臣

○淳于髡

淳于髡齊人也博聞彊記學無所主其陳說慕晏嬰之爲人也客有見髡於梁惠王惠王屏左右獨坐而再見之終無言也惠王怪之以讓客客以謂髡髡曰固也吾前見王王志在驅逐後復見王王志在音聲吾是以默然客具以報王王大駭曰嗟乎淳于先生誠聖人也前先生之來人有獻善馬者寡人未及視

會先生至後先生之來人有善謳者寡人未及試  
亦會先生至寡人雖屏人然私心在彼有之後淳于  
髡見壹語連三日三夜太史公曰孔子曰六藝於治  
一也禮以節人樂以發和書以道事詩以達意易以  
神化春秋道義故曰天道恢恢豈不大哉談言微中  
亦可以解紛淳于髡者齊之贅壻也齊威王之時喜  
隱好爲淫樂長夜之飲諸侯並侵國且危亡左右莫  
敢諫淳于髡說之以隱曰國中有大鳥止王之廷三  
年不蜚又不鳴王知此鳥何也王曰此鳥不飛則已

一飛冲天不鳴則已一鳴驚人於是朝羣臣行誅

奮兵而出諸侯振驚皆還齊侵地威行三十六年方  
威王之八年也楚大發兵加齊王使髡之趙請救齊  
金百斤車馬十駟髡仰天大笑冠纓索絕王曰先生  
豈有說乎髡曰今者臣從東方來見田傷有穰者操  
一豚蹄洒一孟祝曰甌窶滿篝汙邪滿車五穀蕃熟  
穰穰滿家臣見其所持者狹而所欲者奢故笑之於  
是威王乃益齎黃金千鎰白璧十雙車馬百駟髡辭  
行至趙趙王與精兵一萬革車千乘楚聞之夜引兵



去威王大說置酒後宮召髡賜酒問曰先生能飲幾  
何對曰臣飲一斗亦醉一石亦醉威王曰先生一斗  
而醉惡能飲一石哉髡對曰賜酒大王之前執法在  
傍御史在後髡恐懼俯伏而飲不過一斗徑醉矣若  
親有嚴客髡奉鞬鞠膳侍酒於前時賜餘瀝奉觴上  
壽數起飲不過二斗徑醉矣若朋友交遊久不相見  
卒然相睹歡然道故私情相語飲可五六斗徑醉矣  
若乃州閭之會男女雜坐行酒稽留六博投壺相引  
爲曹握手無罰目眊不禁前有墜珥後有遺簪髡

樂此飲可八斗而醉二三日暮酒闌合尊促坐男女  
同席履舄交錯杯盤狼藉堂上燭滅主人畱髡而送  
客羅襦襟解微聞薜澤當此之時髡心最歡能飲二  
石故曰酒極則亂樂極則悲萬事盡然言不可極極  
之而衰以諷諫焉齊王曰善乃罷長夜之飲以髡爲  
諸侯主客宗室置酒髡嘗在側  
卓吾曰連縱之忽遽奪之至極而悲極而衰  
真令人悚仄也况正當威王厭悔  
乎

○優孟

優孟者，故楚之樂人也。長八尺，多辯，嘗以談笑諷諫。楚莊王之時，有所愛馬，衣以文繡，置之華屋之下，席以露牀，啗以棗脯。馬病肥死，使羣臣喪之，欲以棺槨大夫禮葬之。左右爭之王曰：「有敢以馬諫者，死！」優孟聞之，入殿，間仰天大哭。王驚而問故。優孟對曰：「馬者，王之所愛也，以楚國堂堂之大人，何求不得而以大禮葬之？薄王曰：「何如？」對曰：「臣請以彫玉爲棺，文梓爲槨，楨楠豫章爲題，奏發田卒爲穿，壙老弱負土，齊

趙陪位於前韓魏翼衛其後廟食太牢奉以萬戶之邑諸侯聞之皆知大王賤人而貴馬也王曰寡人之過一至是乎優孟曰請爲大王六畜葬之以壠竈爲椁銅歷爲棺齎以薑棗薦以木蘭祭以粳稻衣以火光葬之於人腹腸於是王乃使以馬屬太官曰無令天下久聞也楚相孫叔敖知其賢人也善待之病且死屬其子曰我死汝必貧困若往見優孟言我孫叔敖之子也居數年其子負薪逢優孟與言曰我孫叔敖之子也父且死時屬我貧困往見優孟優孟曰若

無遠有所之。卽爲孫叔敖衣冠抵掌談語。莊王置酒。優孟前爲壽。莊王大驚。以爲孫叔敖復生也。欲以爲相。優孟曰。請歸與婦計之。待三日而後爲相。三日後。優孟復來。謂王曰。婦言慎無爲。楚相不足爲也。如孫叔敖之爲。楚相盡忠。爲廉以治。楚楚王得以霸。今死其子無立錫之地。貧困負薪以自給。食必如孫叔敖。不如自殺。因歌曰。山居耕田苦。難以得食。起而爲吏。身貪鄙者餘財。不顧恥辱。身死家室富。又恐受賕枉法。爲姦觸大罪。身死而家滅。貪吏安可爲也。念爲廉。

吏奉法守職。竟死。不取爲非廉吏。又安可爲也。楚相  
孫叔敖持廉至死。方今妻子窮困。負薪而食。不足爲  
也。於是楚莊王謝優孟。召孫叔敖子。封之寢丘四百  
戶。以奉其祀。後至十世不絕。

○優旃

優旃者秦倡朱儒也。善爲笑言。合於大道。秦始皇時。置酒而天雨。陛楯者皆寒。優旃見而哀之。謂之曰。汝欲休乎。陛楯者皆曰。幸甚。優旃曰。我卽呼汝。汝疾應曰。諾。居有頃。殿上上壽。呼萬歲。優旃臨檻大呼曰。陛楯郎。郎應曰。諾。優旃曰。汝雖長何益。幸雨立。我雖短也。幸休。居於是。始皇使陛楯者得半相代。始皇議欲大苑囿。東至函谷關。西至雍陳倉。優旃曰。善。多縱禽獸於其中。寇從東方來。令麋鹿觸之足矣。始皇以故

輟止二世立又欲漆其城優旃曰善主上雖無言臣固將請之漆城雖於百姓愁費然佳哉漆城蕩蕩冠來不能上卽欲就之易爲漆耳顧難爲陰室於是二世大笑而止居無何二世爲趙高所殺而優旃歸漢太史公曰淳于髡仰天大笑齊威王橫行優孟搖頭而歌負薪者以封優旃臨檻疾呼陛楯得以半更豈不亦偉哉楊慎曰太史公此贊滑稽語亦滑稽而予獨惜其不能亦滑稽以回漢武之怒也然則滑稽豈易哉余爲誰卓吾子



○左師觸龍

趙孝成王新立，太后用事，秦急攻之。趙氏求救於齊，齊曰：「必以長安君爲質。」兵乃出。太后不肖，大臣彊諫，太后明謂左右曰：「復言長安君爲質者，老婦必唾其面。」左師觸龍言願見太后，太后盛氣而胥之。入，徐趨而坐，自謝曰：「老臣病足，曾不能疾走，不得見久矣。竊自恕而恐太后體之有所苦也，故願望見太后。」太后曰：「老婦恃輦而行，曰食得毋衰乎？」曰：「恃粥耳。」曰：「老臣間者殊不欲食，乃彊步日三四里，少益嗜食和於身。」

也。太后曰：「老婦不能。太后不和之色。」少解。左師公曰：「老臣賤息，舒祺最少，不肖，而臣衰竊憐愛之，願得補黑衣之缺，以衛王宮。」昧死以聞。太后曰：「敬諾。」年幾何矣？對曰：「十五歲矣。」雖少，願及未填溝壑而託之。太后曰：「丈夫亦愛憐少子乎？」對曰：「甚於婦人。」太后笑曰：「婦人異甚。」對曰：「老臣竊以爲媼之愛燕后，賢於長安君。」太后曰：「君過矣。不若長安君之甚。」左師公曰：「父母愛子，則爲之計深遠。媼之送燕后也，持其踵爲之泣，念其遠也，亦哀之矣。已行，非不思也。祭祀則祝之，曰：必。」

勿使反。豈非計長久爲子孫相繼爲王也哉。太后曰。然。左師公曰。今三世以前。至於趙王之子孫爲侯者。其繼有在者乎。曰。無有。曰。微獨趙。諸侯有在者乎。曰。老婦不聞也。曰。此其近者禍及其身。遠者及其子孫。豈人主之子侯。則不善哉。位尊而無功。奉厚而無勞。而挾重器多也。今媼尊長安君之位。而封之以膏腴之地。多與之重器。而不及今。令有。功於國。一旦山陵崩。長安君何以自託於趙。老臣以媼爲長安君之計。短也。故以爲愛之。不若燕后。太后曰。諾。恣君之所使。

之於是爲長安君約車百乘質於齊齊兵乃出子義  
聞之曰人主之子骨肉之親也猶不能持無功之尊  
無勞之奉而守金玉之重也而況於予乎

○巖下貫珠

齊襄王立田單相之過菑水有老人涉菑而寒出不  
能行田單見其寒解裘而衣之襄王惡之曰田單之  
施將欲以取我國乎不早圖之恐後之左右顧無人  
巖下有貫珠者襄王呼而問之曰汝聞吾言乎對曰  
王不如因之以爲己善也王嘉單之善下令曰寡人  
憂民之饑也單取而食之寡人憂民之寒也單解裘  
而衣之寡人憂勞百姓而單亦憂之稱寡人之意單  
有是善而王善之善單之善亦王之善已王曰善乃

賜單牛酒嘉嘆其行後數日貫衆者復見王曰王至  
朝日宜召田單而揖之下廷口勞之乃布令求百姓  
之饑寒者收穀之因使人聽于閭里問大夫之相與  
語曰田單之愛人嗟乃王之教也

○敬新磨

後唐莊宗獵于中牟踐蹂民田中牟令當馬而諫莊宗大怒令叱去斬之伶人敬新磨者率諸伶走追其令擒至馬前數而讓之曰汝爲縣令獨不聞天子好田獵乎奈何縱民稼穡以供歲賦何不且饑餓汝民空此田地以待天子馳逐也汝罪當死亟請行刑諸伶復共唱和於是莊宗大笑赦之

李卓吾曰伶人敬新磨與髡異朔何異使亞子略加之意能使亞子不復縱長夜之飲也烹阿而封卽墨

直反覆手耳然則善引君者局當有一定之途轍哉  
俗儒之不可以事君斷斷乎其可知矣髡之語孟子  
曰無賢者也有則髡必識之孟雖好辨欲以求勝孰  
知其不能得也哉

附錄

○晏子

景公有馬其圉人殺之公怒援戈將自擊之晏子曰  
此不知其罪而外臣請爲君數之公曰諾晏子舉戈  
臨之曰汝爲吾君養馬而殺之而罪當死汝使吾君



以馬之故殺圉人而罪。又當死。汝使吾君以馬故殺  
人。聞於四鄰諸侯而罪。又當死。公曰。夫子釋之。勿傷  
吾仁也。

○師曠

晉平公問叔向曰。昔齊桓公九合諸侯。一匡天下。不  
識其君之力乎。其臣之力乎。叔向對曰。管仲善制割。  
隰朋善削縫。賓須無善純緣。桓公知衣而已。亦其臣  
之力也。師曠侍曰。臣請譬之以五味。管仲斷割之。隰  
朋煎熬之。賓須無齊和之。羹以熟矣。奉而進之。而君

不食誰能彊之亦君之力也

○魏敬

秦王稱帝魏王將往賀魏敬謂魏王曰以河內孰與梁重王曰梁重曰梁孰與身重王曰身重曰使秦求河內則王與之乎王曰弗與也魏敬曰河內三論之下也身三論之上也秦索其下而王弗聽索其上而王聽之何也王曰甚然乃輟行

○東方朔

武帝時有殺上林鹿者下有司收殺之朔時在旁曰

是固當歿者。三使陛下以鹿殺人。一當歿。天下聞陛下重鹿賤人。二當歿。匈奴有急以鹿觸之。三當歿。帝默然赦之。

○簡雍

先主時天旱禁私釀。吏於人家索得釀具。欲論罰。簡雍與先主遊。見男女行道。謂先主曰。彼欲行淫。何以不縛。先主曰。何以知之。對曰。彼有其具。先主於是大笑而止。

○諸葛瑾

諸葛瑾與權談說諫喻未曾切愕微見威采粗陳指歸如有未合則舍而及他徐復託事造端如物類相求于是權意往往而釋

### ○李忠臣

辛京杲以私杖殺部曲有司奏京杲罪當死上將從之李忠臣曰京杲當死久矣上問其故忠臣曰京杲諸父兄弟一門俱戰死獨京杲至今日尚存故臣以爲久當死上憫然傷之左遷京杲

### ○谷那律

高宗出獵遇雨問谷那律曰雨衣若爲不漏對曰以瓦爲之則不漏上因此不復出獵

○王方慶

王方慶居相位以子爲眉州司士參軍天后嘗問曰君在相位子何遠乎對曰廬陵陛下愛子今猶在遠臣之子焉敢相近世以比倉唐之對

名臣傳卷十